



Bosnia and Herzegovina
Federation of Bosnia and Herzegovina

CANTON SARAJEVO
Institute for Canton Planning

Bosna i Hercegovina
Federacija Bosne i Hercegovine
Kanton Sarajevo
Ministarstvo prostornog uređenja, građenja
i zaštite okoliša
Broj: 03-19-1276/20
Sarajevo, 01.04.2020.god

Vaš akt broj: 05-04 -7569-51/20
Sarajevo, 26.03.2020.god.

Predmet: Zastupnička pitanja zastupnika Zvonke Marića

Zastupnička pitanja:

1. Zašto su novim Urbanističkim projektom dovedeni u pitanje olimpijski objekti na Velikom polju – Igman za koje KJP ZOI'84 posjeduje pravosnažne Upotrebne dozvole /urbanističku saglasnost i građevinsku dozvolu/ a to su: staze sa skijaško trčanje i biatlon, streljište, startno ciljni prostor, startni objekat, sistem za vještačko osnježavanje sa akumulacijom, tehnička baza, sanitarije-javni wc, mostovi na stazama.
2. Da li je prilikom izrade Urbanističkog projekta za Veliko polje – Igman ispoštovana procedura koja je propisana Zakonom, s obzirom na važnost projekta u smislu obuhvata od 37,5ha?

1. Regulacioni plan „Sportsko-rekreaciono područje Igman“ raden je 1981. godine, za potrebe ZOI '84. Nosilac pripreme Plana je analizirao navedeni Regulacioni plan i konstatovao da nakon što je realizovan određen broj sadržaja za potrebe održavanja XIV Zimskih olimpijskih igara 1984. godine, do realizacije drugih pojedinih segmenata nikada nije nikad došlo, odnosno zemljište nije privedeno konačnoj namjeni. Ovo se odnosi prije svega na sadržaje koji se odnose na ljetnu sportsko – rekreativnu i turističku ponudu. Imajući u vidu navedno, Nosilac pripreme Plana je ocijenio da se realizaciji Regulacionog plana iz 1982. godine treba pristupiti na način da se dopuni i sa sadržajima koji bi omogućili i ljetnu sportsko – rekreativnu ponudu sa pratećim sadržajima. Ovo ne znači odustajanje od realizacije, odnosno rekonstrukcije staze za zimske sportove /Nordijske discipline/ predviđene ranijim Regulacionim planom, nego planiranje lokacija koje predviđaju sadržaje koji će biti u funkciji i ljetne i zimske ponude, a koji će obezbijediti kontinuitet sportsko-rekreativne i turističke ponude tokom cijele godine.

Stoga Nosioc izrade Plana zadržava položaje sportskih terena (staza za nordijsko trčanje i biatlon) sa mogućnošću njihovog povezivanja sa postojećim stazama (na općini Trnovo) za organizaciju regionalnih, lokalnih i međunarodnih natjecanja, a da se ljetna sportsko-rekreativna ponuda dopuni sadržajima smještajnih kapaciteta i sadržajima centralnih djelatnosti u funkciji aaktivnosti i sadržaja



za sportiste, turiste i ostale posjetitelje, a u skladu sa usvojenim smjernicama za izradu Plana i sugestijama Nosioca pripreme Plana iznesenim u toku izrade koncepta, odnosno Nacrta plana.

Prostor obuhvaćen granicom Plana koji iznosi 37,5ha ja sa svim topografskim i klimatskim posebnostima koncipiran kao cjeloviti tematski rekreativni kompleks uklopljen u zetečeni prirodni krajolik. Konceptija omogućuje uključivanje površine šuma, planinskih pašnjaka i livada u čitav niz tematsko programskih aktivnosti rekreativno-sportskog karaktera, trenažni program kao i promociju očuvanja zdravlja, rekreacije, sporta, odmora i edukacije.

Cilj izrade Plana je opremanje prirodnog krajolika uz održavanje biološke raznolikosti, produktivnosti, sposobnosti obnavljanja, te obnavljanje vitalnosti šumskih i livadskih potencijala uz ispunjenje gospodarskih, ekoloških i socijalnih funkcija na lokalnom i globalnom nivou bez posljedica po ekosustave, a za svakondnevo korištenje prostora za ciljanu grupu i trenažni program profesionalnih sportista tokom cijele godine ali i svakodnevne posjetitelje i turiste. Svako jedna od najznačajnijih ciljeva je maksimalno očuvanje prirodnog krajolika, sa minimalnim intervencijama u prostoru i formiranja neophodnog građevinskog fonda i infrastrukture u cilju privođenja zemljišta krajnjoj namjeni. Osnovna namjena i distribucija površina i objekata koncipirana je za zimsku i ljetnu ponudu.

Kao sportsko - rekreativne površine za korištenje u zimskom periodu Planom su predviđene:

- staze za Nordijske discipline /skijaško trčanje i biatlon/ dužine l = 3,5km koje se nalaze na teritoriji Općine Hadžići i u granicama obuhvata ovog Plana.

- skijaška staza – 2x dječija i pokretna traka za transport dužine l -150m

- ski poligon

- ledene plohe za klizanje

Staza za Nordijske discipline je zadržana kako je izvedena i kako je bila koncipirana i planirana Regulacionim planom „Sportsko-rekreaciono područje Igman“ koji je rađen 1981. godine, za potrebe ZOI '84.godine, a svakako se može prilagoditi međunarodnim (FIS) tehničkim pravilima /mogućnost regulisanja brzine i nagiba staze, širina staze i sl./ ukoliko sada ne odgovara istim. Svi objekti koji su u funkciji staze za Nordijske discipline koji su bili postavljeni za vrijeme održavanja Olimpijskih igara i koji su potrebni za održavanje svih takmičenja bilo lokalnih ili međunarodnih a u skladu sa odgovarajućim međunarodnim (FIS) i nacionalnim sportskim pravilima, mogu se izgraditi kao montažno demontažni objekti /pres služba, mjerenje vremena, odlaganje rekvizita, mostava i sl./ i nakon završetka takmičenja se uklanjaju. Nordijska staza u ljetnom periodu se koristi kao biciklistička i trim staza ili kao staza za brzo hodanje i staza za treninge sportista.

Navodite streljiste, a streljiste je zadržano u postojećim gabaritima sa mehanizmom za mete, ali su na toj površini nacrtana/planirana/ polivalentna igrališta, koja se kao takva koriste u ljetnom periodu u sklopu ljetne sportsko – rekreativne ponude, a naravno u vrijeme zimskog perioda i za vrijeme održavanja takmičenja taj prostor se vraća svojoj izvornoj svrsi. Sistem za vještačko osnježavanje sa akumulacijom je takodje zadržan u svojim postojećim gabaritima i u zimskom periodu ima svoju izvornu svrhu. Sanitarije - javni wc će svakako biti postavljeni u skladu sa hidrotehničkom fazom koja je sastavni dio ovog Plana, kao i u skladu sa Elaboratom strategijske procjene na okliš koja se radi za ovaj Plan, koja će biti prezentirana zajedno sa Prijedlogom ovog urbanističkog projekta i koja prati sve faze izrade Plana.

Planom je predviđena rekonstrukcija 2 dječije skijaške staze /trenutno devastirane/ sa instalacijama odgovarajućeg vertikalnog transporta koji će se odrediti kod projektovanja staze. Pored navedene skijaške staze, Planom je predviđeno i uređenje terena u podnožju navedenih staza, kao ski poligon za doskijavanje, za potrebe ski škole i sl. Planom predviđeni sportski tereni koji se koriste u ljetnom periodu u zimskoj ponudi će se pretvarati u klizališta na ledu. Sve gore navedno može se vidjeti u grafičkom prilogu „Razmještaj i namjena površina i spratnost objekata“ koji Vam dostavljamo.



Sarajevo, Branilaca Sarajeva 26; Pošt. pret 105;
Tel: Centrala + 387 33 258-275; + 387 33 258-285;
Tel: Direktor + 387 33 226-736;
Fax: + 387 33 209-543;
Tel: Finansije , Tel/Fax : + 387 33 207- 321



Urbanistički projekat „Veliko polje –Igman“ je prošao fazu izrade Koncepta plana i Javne tribine u Općini Hadžići, kao i organiziranje radionice za potrebe izrade Strategijske procjene uticaja na okoliš. Nakon provedene ove zakonske procedure pristupilo se izradi Prednacrt plana i Općinsko vijeće Hadžići je na 33. sjednici održanoj dana 27.02.2020. godine, donijelo Zaključak o utvrđivanju Nacrta Urbanističkog projekta „Igman – Veliko polje“. Utvrđeni Nacrt Urbanističkog projekta „Igman – Veliko polje“ stavljen je na javni uvid i javnu raspravu do 31.03.2020. godine. Zainteresirani subjekti, građani, mjesna zajednica na čijem području se nalazi obuhvat Urbanističkog projekta, te pravna lica svoje primjedbe, prijedloge i sugestije na Nacrt Urbanističkog projekta „Igman – Veliko polje“ mogli su dostavljati Općinskom načelniku do naprijed navedenog roka. 24. marta 2020.godine Općina Hadžići obavještava stanovništvo i privredne subjekte Općine Hadžići da se zbog proglašenja stanja prirodne i druge nesreće zbog širenja virusa COVID-19, odgađa prezentacija Nacrta Urbanističkog projekta „Igman- Veliko polje“ zakazana za 25.03.2020. godine i 01.04.2020. godine.

Nakon smirivanja situacije nastale povodom širenja virusa COVID-19, i novog zakazivanja Javne rasprave i prezentacije Urbanističkog projekta „Igman – Veliko polje“, svi zainteresirani subjekti i građani moći će dostaviti svoje prijedloge, sugestije i primjedbe na Nacrt plana, koje će Zavod za planiranje razvoja Kantona Sarajevo, sa svim subjektima planiranja razmotriti i odgovoriti na njih sa obrazloženjem zašto primjedbe i sugestije nisu prihvaćene, odnosno zašto su prihvaćene i ugrađene u Prijedlog plana.

2. Izradi planske dokumentacije za predmetnu prostornu cjelinu pristupilo se na osnovu Odluke o pristupanju izradi Urbanističkog projekta „Igman -Veliko polje“, koju je donijelo Općinsko vijeće Hadžići („Službene novine Kantona Sarajevo“, broj 31/17).

Pravni osnov

Zakonski osnov su odredbe članova 25. stav (10) Zakona o prostornom uređenju Kantona Sarajevo („Službene novine Kantona Sarajevo“ broj 24/17 i 1/18) kojim je propisano da Općinsko vijeće nadležno za donošenje urbanističkog projekta.

Statutarni osnov su odredbe članova 14. i 24. Statuta Općine Hadžići („Službene novine Kantona Sarajevo“ broj 15/09, 17/12, 10/13, 14/13-ispravka i 11/18) kojim je regulisano da Općina vodi urbanističko-stambenu politiku od interesa za Općinu i njen razvoj, odnosno da je Općinsko vijeće nadležno za donošenje odluka, propisa i općih akata i da daje njihovo tumačenje.

Planski osnov

Planski osnov za donošenje ove Odluke su Izmjene i dopune Prostornog plana Kantona Sarajevo za period 2003. do 2023.g. („Službene novine Kantona Sarajevo“, br. 22/17) i Regulacioni plan „Sportsko-rekreaciono područje Igman“ (1981. godine, rađen za potrebe ZOI '84).

S poštovanjem,

Direktor
Hamdija Efendić dipl.ing.građ.

Prilog:Spis u povratu

Grafički prikaz:„Razmještaj i namjena površina i spratnost objekata“

Dostavljeno:

1. Naslovu, Arhiva



Sarajevo, Branilaca Sarajeva 26; Pošt. pret 105;
Tel: Centrala + 387 33 258-275; + 387 33 258-285;
Tel: Direktor + 387 33 226-736;
Fax: + 387 33 209-543;
Tel: Finansije, Tel/Fax : + 387 33 207- 321
Web:http://zpr.ks.gov.ba e-mail:info@zpr.ks.gov.ba





Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj:05-04-7569-51/20
Sarajevo, 26.03.2020.godine

**ZAVOD ZA PLANIRANJE
RAZVOJA KANTONA SARAJEVO**
N/r gosp. Hamdija Efendić, direktor
Branilaca Sarajeva 16.
SARAJEVO

Bosna i Hercegovina
FEDERACIJA BOSNE I HERCEGOVINE
KANTON SARAJEVO
ZAVOD ZA PLANIRANJE RAZVOJA KANTONA SARAJEVO

PRIMLJENO: 01-04-2020		
Organizaciona jedinica	Klasifikaciona oznaka	Broj
03	19	1276/20

Predmet: Zastupnička pitanja zastupnika Zvonke Marića

Skupština Kantona Sarajevo dostavila je Ministarstvu prostornog uređenja, građenja i zaštite okoliša dopis broj: 01-04-7569-51/20 od 16.03.2020.godine kojim se dostavljaju zastupnička pitanja zastupnika Zvonke Marića postavljena na 22. Radnoj sjednici Skupštine Kantona Sarajevo, održanoj dana 11.03.2020.godine, u okviru tačke Dnevnog reda "Poslanička pitanja, inicijative i odgovori", radi davanja odgovora.

Zastupnička pitanja dostavljamo u prilogu akta, a ista se odnose na izradu novog planskog dokumenta odnosno Urbanistički plan za Veliko polje – Igman, kao i status olimpijskih objekata.

Imajući u vidu da je odredbama člana 35. Zakona o prostornom uređenju Kantona Sarajevo ("Službene novine Kantona Sarajevo", br. 24/17 i 1/18) propisano je da je nosilac izrade svih planskih dokumenta Zavod za planiranje razvoja Kantona Sarajevo, molimo vas da Ministarstvu dostavite izjašnjenje na postavljena zastupnička pitanja.

S poštovanjem,

Dostaviti:

- Naslovu
- a/a



05 20-03-2020

Bosna i Hercegovina
Federacija Bosne i Hercegovine
SKUPŠTINA KANTONA
SARAJEVO



Босна и Херцеговина
Федерација Босне и Херцеговине
СКУПШТИНА КАНТОНА
САРАЈЕВО

1894
7355

Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

Broj:01-04-7569-51/20
Sarajevo, 16.03.2020. godine

24.03.2020.

FEDERALNO MINISTARSTVO ZA PROSTORNO UREĐENJE
Hamdije Čemerlića 2

FEDERALNO MINISTARSTVO POLJOPRIVREDE,
VODOPRIVREDE I ŠUMARSTVA
Hamdije Čemerlića 2

MINISTARSTVO PROSTORNOG UREĐENJA, GRAĐENJA
I ZAŠTITE OKOLIŠA KS

FEDERALNO PRAVOBRANILAŠTVO
Alipašina 6/IV

MINISTARSTVO PRIVREDE KS

PRAVOBRANILAŠTVO KS

OPĆINA HADŽIĆI
Općinsko vijeće i općinski načelnik


Zastupnik Zvonko Marić na 22. Radnoj sjednici Skupštine Kantona Sarajevo, održanoj dana 11.03.2020.godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo postavio je zastupnička pitanja koja se nalaze u prilogu.

Molimo vas da u skladu sa odredbama Poslovnika Skupštine Kantona Sarajevo („Službene novine Kantona Sarajevo“ broj 41/12 - Drugi novi prečišćeni tekst, 15/13 i 47/13-47/15, 48/16) odgovore, u pisanom obliku, uputite predsjedavajućem Skupštine Kantona Sarajevo kako bi isti dostavili zastupnicima u Skupštini.

Prilog: Zastupničko pitanje

CO:

-sekretar SKS
-sekretar Vlade Kantona



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1



Zvonko Marić
Predsjednik Kluba zastupnika SBB-a

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO

n/r Federalno ministarstvo za prostorno uređenje
n/r Ministarstvo prostornog uređenja, građenja i zaštite okoliša KS
n/r Federalno ministarstvo poljoprivrede, vodoprivrede i šumarstva
n/r Ministarstvo privrede KS
n/r Federalno pravobranilaštvo
n/r Pravobranilaštvo KS
n/r Načelnik općine Hadžići i OV Hadžići

Sarajevo, 11.03.2020. godine

ZASTUPNIČKO PITANJE

1. Zašto su novim Urabinstičkim planom dovedeni u pitanje olimpijski objekti na Velikom polju – Igman za koje KJP ZOI'84 posjeduje pravosnažne Upotrebne dozvole (građevinske i urbanističke saglasnosti), a to su:

- staze za skijaško trčanje i biatlon,
- streljište,
- startno ciljni prostor,
- startni objekat,
- sistem za vještačko osnaživanje sa akumulacijom,
- tehnička baza,
- sanitarije-javni WC,
- mostovi na stazama.

2. Da li je prilikom izrade nacрта Urbanističkog plana za Veliko polje ispoštovana procedura koja je zakonom propisana, s obzirom na važnost projekta u smislu prostora koji obuhvata od 37.5 ha?